

為百谷上異派是以聖人欲上民使人知道必以言下之示之無欲先

民使契乎道必以身後之能忘其心

光垣帝君注曰江海巨津也而百谷朝之以其王也要其所
以為百谷之王者以其勢處於下眾流歸之書曰江漢朝宗
於海非善下而能王若是乎聖人有悟於江海知人之不可
據上也而必以言下於人其下愈卑而下者上之已高不可
仰知人之不可漫先也而以其身後之其後彌遠而後者先
之已軼不可追究之聖人非有意於下之後之也道本如是
則其居上與先者固即存於下之後之中也道也

是以聖人處上而民不重道大處前而民不害性空是以天下樂推

道藏輯要

道德經解

今 心集一

而不厭中心悅而誠服以其不爭不與物競故天下莫能與之爭自然無礙

又曰第上矣先矣而居上者勢患重民居先者勢患害民聖
人雖上而不自尊貴何重於民故民亦不苦其重雖居先而
不自謂無前故不害民而民亦不受其害於是乎翕然歸之
羣焉戴之共推以為有道而絕無厭棄之心悅而誠服莫敢
不享王矣而要其不上而下不先而後皆此不爭之心與天
下相忘故也語云仁者無敵聖人既不自處於爭則凡爭者
不惟不忍與之爭且不能與之爭矣此道之所以貴下與後
而聖人則之者也

天下皆謂我大惟道獨尊似不肖如夫惟大故似不肖無可議擬若肖久矣其細也夫可此便小

光垣帝君注曰天下之至大者莫道若矣聖人奉道以為依歸則天下之至大者亦莫聖人若矣世人大道則亦因大聖人故皆謂之大然雖謂之大而竊疑其渾漠相處絕不見有震動恪恭若一無所肖者然故雖大之而又以為似不肖也夫既大之而又不肖之亦何畸輕畸重之若此耶然無足怪也不肖始大大實似無可肖也故曰惟大似不肖若肖矣而於禮樂刑政之間斤斤以求合沾沾以急功則是驢虞雜霸之為蓋渺乎其細久矣

道藏輯要

道德經解

全

心集一

我有三寶持而寶之道不一曰慈專氣如嬰二曰儉少私寡慾三曰不敢

為天下先退藏自收夫慈故能勇其力大儉故能廣其量深不敢為天下

先廣心故能成器長體胖

又曰夫聖人之所以大而不落聲色者以其有三寶故也持此寶而重之則揮絃就理何事作為是即王天下三重之謂三者何一曰慈慈忍也謂慈忍而斂也其二曰儉儉約也儉約而不敢肆也三則曰不敢為天下先即以身後人之說也人特患失此三寶而不能慈且儉以先人耳果能慈忍而有濟則以有守發為有為勇何如也果能儉約以自斂則能發必自能收廣何如也果能不敢為天下先則後人者必居其

前不以為力強而強固已多矣是渾樸之器也即大成之器也成是器而與天長存可矣

今捨慈且勇逐物捨儉且廣貪捨後且先急欲死矣不見夫慈以

戰則勝仁者無敵以守則固靜以待之天將救之惟德是輔以慈衛之守位曰仁

又曰聖人三寶若是今或從而反之捨慈以就勇也捨儉以

就廣也捨後以就先也是三者皆有取死之理其不入於死

者幾希今且就慈一端言之小不忍者亂大謀臨事懼者无

祇悔慈忍則不敢輕敵而量敵故以戰則必致勝且慈忍則

必內謀之密外謀之周而敵乘無隙守何固也蓋是慈也天

所與也天將救人於塗炭之中恒開廣聖心之慈以為斯民

道藏輯要

道德經解

全

心集一
又川六

之衛乃聖既衛民而被其慈者亦從而衛之慈之可寶何如也而信與不先可例推矣

配天章第六十八

善為士者不武慈和善戰者不怒寬泰善勝敵者不爭安穩善用人者

為下小心翼異

光垣帝君注曰士戰士也行列之中以怯為勝惟能怯斯以

勝敵而不恃夫赳赳桓桓之武也善戰者以義制兵可進則

進不注於進可殺則殺不注於殺而無所用其怒而善勝敵

者恒以兵為不得已之為雖戰而有矜心初無所尚其爭也

至於用人之善亦初無他術也冲而抑之約而斂之善下而